

23. marts 2014

UPA 2014/132  
Saxtorph Didriksen

**Siunnersuut uunga: Inatsisartut inatsisaat nr. xx ulloq xx xxxx Aatsitassat pillugit ingerlatallu tamatumunnga pingaarutillit pillugit inatsisartut inatsisaannut nr. 7, 7. december 2009-immersoq allannguutissamut tunngasoq (aatsitassat pillugit inatsit) (Inuussutissarsiornermut Aatsitassanullu Naalakkersuisoq)**

Siumumiit innuttaasunik peqataatsitsinerunissamik aammalu akuutitsinerunissamik Naalakkersuisut siunniussaata tamakkiisumik tunuliaqqutserlugu oqaatigaarput.

Nunatta nunamik pisuussutinik uummaatsunik atuinissamut oqartussaaneq angerlaanne-ranut tunngaviliivoq nunatta nammineerluni inuisa aatsitassanut avatangiisinullu inatsimmik nunatta inuisa iluaqutissaannik aningaasarsiornikkut suliffissaqarnikkut nunattalu ineriartornissaanut iluaqutissamik.

Aammalu suli naatsorsuutigisinnaavarput aatsitassanut aammalu avatangiisinut inatsiserput ilaartortuassalluni ineriartortittuarnissaanut suliaqartoqartuarnissaa Naalakkersuinikkut ingerlatsinermi.

Minnerunngitsumik suliassat angisoorsuarnik taaneqartartut aallartisartussat eqqarsaatigalugit suliata ingerlanerini ilikkariartuuarnerput ilutigalugu inatsisinik inerisaajuarnissaq qularnangimmat.

Siumumi isumaqarpugut innuttaasut tusarniarneqarnerannut peqataatsinneqarnerunissaannut siunissatsinnut ungasissumut isigisumik Inatsimmik inuttaasut peqataatsinneqarnissaannik qulakkeerinnittunik inatsisissamik saqqummiussineq ajunngilluinnartuusoq .

Taamatuttaaq aningaasaateqarfimmik naalakkersuinernut suliniaqatigiiffinit attuumassuteqanngitsunut aningaasaateqarfimmik Naalakkersuisut pilersitinissaat tamatumani aningaasanut inatsisikkoortumik attuumassuteqanngitsunut suliaqartunut atugassamik pilersitsinissaq siumumiit ilalerparput .

Tassami sineriassuarput isorartoqisoq eqqarsaatigalugu innuttaasunik aammalu sulinia-qatigiinnik ulluinnarni Naalakkersuinikkut attuumassuteqanngitsut peqataatinnerulernissaannik siunertaq ajunngilluinnartuuvoq taamaalilluni nunatsinni i aatsitassarsiorinissamik taamaattunillu assingusunut suliaqarnissami innuttaasut peqataatinneqarlutik misigisimanissaat pingaaruteqarluinnarpoq siumumiit isumaqarpugut.

Inatsisissallu eqqisisimatsitsinermut avatangiisinillu ataatsimiisitaliamut  
ingerlateqqinniissaa innersuussutigalugu nalilersuilluarnissamik kissaassilluta siumumiit  
taamannak oqaaseqarpugut.